



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Kirchen Postilla || das ist/|| Auslegung der Euangelien an
|| den fürnemesten Festen der Hei=||ligen/ von Ostern bis
auffs || Aduent.||**

Luther, Martin

Wittemberg

VD16 L 5618

Am tag Margarethe/ Euangelion Matth. 13. Das Himelreich ist gleich einem
verborgen Schatz/ einem kauffman der gute perlen suchte / vnd einem
Netz das ins meer geworffen ist.

urn:nbn:de:hbz:466:1-37013



Der Herr redet zu den Jüngern dis gleichnis / Das Himelreich ist gleich einem verborgen Schatz im acker / welchen ein mensch fand / vnd verbarg in / vnd ging hin für freuden ober demselbigen / vnd verkauffte alles was er hatte / vnd kauffte den acker.

Abermal ist gleich das Himelreich einem kauffman / der gute perlen suchte / Vnd da er eine köstliche Perlen fand / gieng er hin / vnd verkauffte alles was er hatte / vnd kauffte dieselbigen.

Abermal ist gleich das Himelreich einem Netz / das ins Meer geworffen ist / damit man allerley gattung fahet / Weñs aber voll ist worden / so ziehen sie es heraus an das vfer / sitzen vnd lesen die guten in ein gefess zusammen / aber die faulen werffen sie weg. Also wirds auch am ende der welt gehen / die Engel werden ausgehen / vnd die bösen von den gerechten scheiden / vnd werden sie in den sewrosen werffen / da wird heulen vnd zeecklappen sein.

Vnd Ihesus sprach zu in / Habt jr das alles verstanden? Sie sprachen / Ja Herr. Da sprach er / Darumb / ein iglicher Schriffgelerter zum Himelreich gelert / ist gleich einem Hausuater / der aus seinem schatz neues vnd altes erfür tregt.

Am tage Margarethe Summa des Euangelions.

1. Der Schatz vnd die perlen ist das Euangelion / welchs für dem fleisch verborgen ist / aber durch den Geist des glaubens wirds gefunden / welcher glaub vmb desselbigen Schatzes willen alles verlengnet vnd faren lefft / auff das ers warhafftig müge besitzen.
2. Für der Welt sind die Zerschler von den fromen vnd rechtschaffenen Christen noch nicht abgesondert / welchs am jüngsten tage geschehen wird / in des werde sie sich auch heilig rhümen / vnd für gute Christen verthun.
3. Ein Lerer oder Prediger / der nichts anders hat denn Gottes Wort / das ist / der zum Hünelreich gelert ist / der bringe herfür / aus dem Schatz des hertzens / alt vnd newes / das ist / das Gesetz vnd Euangelion.

Am tage Magdalene / Euangelion Luce 7.



Es bat der Phariseer einer Ihesum / das er mit im esse. Vñ er gieng hinein in des Phariseers haus / vnd setzet sich zu tisch. Vnd sihe / ein Weib war in der stad / die war ein sünderin / da die vernam / das er zu tische sass in des Phariseers haus / brachte sie ein glas mit salben / vnd trat hindē zu seinen füßen / vnd weinet / vnd fieng an seine füsse zu netzen mit trenen / vnd mit den haren sres heubts zu trucken / vnd küsset seine füsse / vnd salbet sie mit salben.

Da